

25 JUN 1998

DR MAHATHIR HADIRI MAJLIS PERNIKAHAN ANAK YUSOF NOR (Bergambar)

BANGI, 25 Jun (Bernama) -- Datuk Seri Dr Mahathir Mohamad dan Datin Seri Dr Siti Hasmah Mohd Ali malam ini menghadiri majlis pernikahan anak perempuan Ketua Penerangan Umno Datuk Dr Yusof Nor di sini.

Perdana Menteri dan isteri turut merenjis air mawar merestui pasangan pengantin itu, Yasmin Datuk Dr Yusof dan Nik Mahadi Datuk Bakri.

Dr Yusof menikahkan sendiri anak perempuannya itu dan membacakan khutbah nikah.

Antara kenamaan lain yang turut hadir ialah Menteri Besar Selangor Datuk Abu Hassan Omar, Menteri Pendidikan Datuk Seri Najib Tun Razak dan Menteri Pertanian Datuk Amar Dr Sulaiman Haji Daud dan isteri masing-masing.

Majlis itu, yang berlangsung di kediaman Dr Yusof, turut dihadiri kaum keluarga kedua-dua mempelai.

-- BERNAMA

MNY NAK